#### BEEFEERE EEEE SEE EEEE EEEE EEEE

## SERMON VIII.

## Sur l'Histoire de la Tentation de nostre Seigneur.

dit qu'à celui qui respond paroles droites on lui baise les levres. Il parle des Magistrats, & veut monstrer qu'ils ne peuuent rien plus au gré de leurs suiets, que de seur donner response fauorable, conseils salutaires: car bailer les sevres est pris pour vn tesmoignage d'affection & de bienvueillance: Et respondre paroles droites, n'est autre chose que donner bon conseil, & iugement equitable.

Appliquons le mesme propos à Iesus Christ au texte que nous exposons: de lui, comme de nostre Iuge souuerain, nous attendons response à l'obiection, iugement sur la question, confeil contre la tentation du diable: Et nous verrons que Iesus Christ nous respondant paroles droites, baise aussi nos leures; car response ne se peut donner plus au contentement de l'Eglise de Dieu, que celle que nous auons à exposer maintenant. Response pleine d'instru-

dion & de consolation,

Si tu dis, que cette response s'adresse non à nous, mais au Tentateur, qui auoit formé la demande. Ie respon, qu'elle est contre lui, mais pour nous: à sa confusion, & à nostre auantage. Aussi ne faut-il pas estimer que Christ ait voulu baiser les leures du Tentateur: ains par sa response il le fait cheoir dans la fosse qu'il auoit cauce. Par sa malitieule · demande il labouroit le tourment, & Christ lui fait moissonner l'outrage. Satan tendoit vn filé à Iesus Christ, & son propre pied se trouue pris par les machinations qu'il auoit pourpensees : ainsi est cette response contre le Tentateur, mais elle est pour nous. La sentence d'vn Iuge equitable foudroye sur les meschans, & sauorise les bons. De mesme cette response condamnant le Tentateur, se trouue donnee au profit de l'Eglise. Au sortir d'Egypte, la colomne de nuce auoit double vsage : elle couuroit le peuple de Dieu, à ce qu'il ne fust en veuë à ses ennemis, & elle lui seruoit de conduite en son chemin. Disons le mesme des responses de Iesus Christ: elles font perdre iugement au Tentateur: elles lui ostent la prise qu'il pretendoit auoir sur Iesus Christ contre nostre salut. Et en mesme temps elles nous servent de conduite, elles nous sont conseils fideles, boucliers à l'espreuue, counerture asseurce contre les dards enstammez du malin,

284 VIII. Sermon sur l'Histoire Et c'est le troisséme poinct, qui nous reste à examiner: car ayans veu que les christ a respondu au Tentateur, & qu'il a pris sa response de ce qui est escrit; reste maintenant à considerer quelle est cette response, & combien à propos elle est donnee, tant pour fermer la bouche au Tentateur, que pour baiser nos levres.

Cette response est contenue en ces mots, L'homme ne viura point de pain seulement, mais de toute parole qui sort de la bouche de Dieu. Or pour en entendre le sens, il se faut souvenir de l'obiection du Tentateur, qui estoit telle en substan-ce, Si tu estois Fils de Dieu, tu ne mourrois pas de faim:plustost en ta faueur seroyent ces pietres ici changees en pains : or tu mourras de faim, veu qu'ayant faim tu es destitué de pain: ie conclu donc, que tu n'es point Fils de Dieu. Iesus Christ pour respondre à cet argument, nie la seconde proposition d'icelui, & monstre qu'elle est fondce sur vne fausse presupposition, le Tentateur presuppose que Iesus Christ mourra de faim, pource qu'il n'a point de pain. Raison, ou consequence, bien impertinente: car l'homme ne viura point de pain seulemér, mais de toute parole qui sort de la bouche de Dieu. Donc le sens de cette response est, que Dieu pour nourrir ses enfans n'est point attaché au pain, par lequel il faut entendre ici la nourriture & tous moyens ordinaires: ains Dieu

Dien peut sustenter les siens de toute parole qui sort de sa bouche, c'est à dire extraordinairement, par moyens inusitez & miraculeux selon son esticace. Que tel soit le sens de ces paroles, nous le verrons clairement si nous lisons le 8 du Deuteronome, d'où elles sont prises. Là Moyse parle ainsi au peuple d'Israel, Dieu, dit-il,t'a humilie & t'afait auoir faim, mais il t'a repeu de Manne laquelle tu n'auois point cognue, ni tes peres aussi: afin de te faire cognoistre que l'homme ne viura pas de pain leulement, mais que l'homme viura de tout ce quiffort de la bouche de Dieu. Ainsi ce passage nous monstrant pour quelle fin Dieu a humilie son peuple, & l'a fait auoir faim, assauoir afin qu'il cognust que l'homme ne viura pas de pain seulement, mais de tout ce qui sort de la bouche de Dieu, nous fait voir que souuent Dieu destitue les hommes des commoditez ordinaires de la vie presente: mais cependant que pour les soustenir il à en main des moyens extraordinaires: tesmoin la Manne, dont il a repeu son peuple quarante ans au desert. Co peuple donc, à la faim & au rassassement duquel Dieu auoit pourueu si miraculeusement, auoit iuste suiet de recognoistre que l'homme ne viura pas de pain seulement, mais de toute parole qui sort de la bouche de Dieu: mais Iesus Christ, qui n'a point besoin d'estre in-Aruit, ni par raisons, ni par exemples, ni par ex-

## 86 VIII. Sermon sur l'Hist<u>ai</u>re

perience, ni par aucune autre espreude: Iesus Christ qui estant vrai Dieu sçait toutes choses, eust-il ignoré cette excellente doctrine que la manne du ciel à deu apprendre aux Israelites? Certes apres son iusne de quarante iours & quarante nuicts, le diable lui reprochant sa faim, lui predisant la mort, d'autant qu'il n'auoit point de pain, il ne démeure court: ains bien asseuré de la prouidence de Dieu: ains estant lui-messme cette prouidence. Diuine non attachee aux moyens ordinaires, que sa terre produit de temps en temps; mais abondante en moyens extraordinaires que saparole peut produite en vn instant, respond au Tentateur, L'homme ne viura point de pain seulement, mais de toute parole qui sort de la bouche de Dieu.

Quelques vns, s'essoignans du sens naif de ce passage, ont estimé que Moyse au 8. du Deuteronome, & Iesus Christen ce texte parsent de la vie spirituelle: comme si le sens estoit que nos ames sont nourries de la parole de Dieu, & non pas de pain materiel: cela est vrai en soi: mais contre le sens de ce passage, auquel l'intention de Iesus Christ n'est pas de nous enseigner que nos ames sont nourries par la parole de Dieu, mais que Dieu a assez de pouuoir, qu'il n'a qu'à dire la parole, & nous serons miraculeusement nourris, encor que nostre pain ordinaire nous desaille, puis que

que Dieu a subuenu à la famine des Israëlites, commandant que mesme du ciel tombast la manne pour leur nourriture. En ce texte
donc, par la parole qui sort de la bouche de
Dieu, doit estre entendue non la doctrine
de la Loi ou de l'Euangile, mais l'arrest &
l'ordonnance esticacieuse de Dieu, touchant
l'entretenement & conseruation de ses creatures. Ordonnance en laquelle Dieu se conserue la liberté, ou de se seruir des moyens ordinaires, ou de nous nourrir extraordinairement.

La doctrine contenue en cette response de Iesus Christ est tellement claire d'ell mesme, qu'elle ne requiert ni nombre de preuues, ni grande explication. L'Apostre au r. de l'Epiftre aux Hebrieux, dit que Christ soustient toutes choses par sa parole puissante: & par là il nous monstre que comme Dieu a creé toutes choses par sa parole, qu'aussi par cette mesme vertu & efficace il conserue toutes choses en leur estre. La n'aduiene donc que nous attribuiyons aux causes secondes nostre entretenemet & conservation: ains nous montons tousiours plus haut insques à la souueraine cause de nostre estre & de nostre bien estre, qui est la parole efficacieuse de nostre Dieu. Et ce que nous disons en general de nostre conservation, doit estre appliqué specialement à tous les momens, & à toutes les afaires

de nostre vie. Comme donc pour la nourrirure l'homme ne vit pas de seul pain : aussi ne font-ce point les seuls remedes qui nous deliurent de nos maladies, ce n'est point le guet seul qui garde la ville : tout cela se fait par la parole qui sort de la bouche de Dieu.Le monde ne le juge pas ainsi: les vns se vantent de leurs chariots, & les autres de leurs cheuaux, ce dit Dauid au 20. Pleaume: mais nous, ditil, nous-nous vanterons du Nom de l'Eternel nostre Dieu. Là, par le Nom de Dieu, faut entendre cette mesme parole, cette vertu & efficace de l'Eternel. Parole ou efficace recognuë par le Prophete au Pseaume 44. Nos peres, dit-il, n'ont point conquis le pays par leur espec, & leuf bras ne les a point deliurez : mais ta dextre, & ton bras, & la lumière de taface: pource que tu leur portois affection : cette dextre, ce bras, cette lumiere de l'Eternel, cest cette mesme parole qui sort de sa bouche.

Mais il y a quelque chose à observer es termes dont vse Iesus Christ en cette response. Premierement, il dit, l'homme: & puis qu'il change de termes, il semble ne respondre pas à propos à la question du Tentateur. Le diabie parle du Fils de Dieu: & Iesus Christ respond de l'homme: mais si on considerade plus pres la chose, on trouvera, que par ce terme est rendue plus forte la raison de Iesus Christ: & de

de fait, elle est prise du moindre au plus grands car si l'homme ne vit pas de seul pain, si Dieu le peut aussi soustenir extraordinairement, pourquoi nonaussi celui qui est son Fils? Argument, dont se serviouuent l'Escriture. Ainsi Iesus Christ au 6. de S. Matth. nous aprend que si Dieu nous a bien donné la vie & le corps, il ne nous refusera pas la nourriture & le vestement: Que s'il nourrit bien les oiseaux de l'air, bien plustost nous nourrira-il, nous qui sommes plus excellens qu'eux: & s'il reuest l'herbe des champs, bien plustost nous qui sommes beaucoup meilleurs. De mesme, en cet endroit, si le pain n'est point tellement necessaire à l'homme, que sans icelui il ne puisse estre soustenu; pourquoi faudra-il que le Fils de Dieu meure, s'il n'a point de pain?

D'auantage, par ce terme Iesus Christ recognoist ouvertement, qu'il est homme: le
diable vouloit que Iesus Christ, puis qu'il estoit Fils de Dieu, produissit quelque action
miraculeuse. Et Iesus Christ respond, puis qu'il
est homme, & que les moyens ordinaires lui
manquerit, il se doit lui-mesme arrendre aux
actions miraculeuses de l'Eternel. En tel estat
me pouvoit-il faire miracle sans tesmoigner
quelque dessiance: maisen tel estat respondre
que l'homme vit de la parole de Dieu, c'est
tionner vne preuve infaillible de sa consiance
sur la providence de Dieu.

En troisième lieu, Christ respond non pour le Fils de Dieu, mais pour l'homme : afin que nous fachions qu'en respondant au diable il plaidoit nostre cause. S'il eust parlé pour soimesme, il eust dit, le ne viurai pas de seul pain: i'ai des moyens à moi particuliers & extraordinaires pour ma conseruation. Mais quand en general il respond pour tout homme, c'est pour accommoder sa response à nostre vsage, & afin qu'elle nous serue à tous aussi souvent que par Satan nous sera adressee mesme tentation. Outre cola, puis que les particuliers sont contenus sous la reigle generale; & puis que la reigle generale est que tout homme subsiste, non par le pain seu-lement, mais par la vertu de Dieu, il s'ensuit que cetté response estoit sorte contre le diable, tant pour Iesus Christ vrai homme, que pour vn chacun de nous.

Bref, si nous ioignons ce terme que Iesus Christs'attribue auec celui qui au verset precedent lui est donné par le Tentateur, nous verrons quelle est la personne de Iesus Christ: car il est Fils de Dieu & l'homme, c'est à dire, vrai Dieu & vrai homme: l'vn pour vaincre & le Tentateur & tous nos ennemis: l'autre pour sousserie la faim & toutes nos necessitez.

Il adiouste, que l'homme ne viura point: Sur ce qu'il dit de la vie de l'homme observons, qu'il y a trois sortes de Vie & de Mort: assa-

uoir,

uoir, premierement la vie naturelle ou animale, à laquelle ayant esgard l'Apostre au 2. de la 1. aux Corinth. appelle l'homme animal, c'est à dire l'homme consideré au regard de la vie naturelle & presente: vie commune à tous hommes, bons & maunais: vie à laquelle nous opposons la mort premiere ou naturelle, qui est la separation du corps & de l'ame.

En second lieu, il y a la vie de Grase, qui est propre aux sideles, viuans en se monde sous le regne spirituel de Iesus Christ. Et à icelle nous opposons la mort spirituelle, propre aux meschans, lesquels destituez de l'Esprit de Dieu sont morts en leurs pechez, n'ayans pour occupation que l'institué. En ce second gére de vie & de mort, les esseus meurent auec Christ, pour viure en luis & les reprouuez sont morts en leurs pechez entant qu'ils viuent en iœux.

Il y a aussi la vie de Glore dont iouyront au ciel les ames des sideles des leur depart de ce monde: & les sideles en corps & en ame au dernier iour, pour iamais. A icelle nous opposons la mort seconde ou eternelle: & entédons par icelle le malheur insini dans lequel demeureront plongez eternellemét le diable, ses anges, tous les damnez. En ce texte, comme il a desia esté touché, Iesus Christ parle non de la vie de grace, ou de gloire; spirituelle ou eternelle: mais seulemét de la vie de nature: de cette vie presente, par laquelle coposez de corps &

d'ame, nous auons mouvement, sentiment &

intelligence.

Moyse & Iesus Christ parlent de cette vie au temps à venir : ils ne disent pas, L'homme vit, mais l'homme viura. Et c'est afin que nous sachions que les promesses de Dien d'vn costé ne te regardet pas ou pour le passé, ou pour l'instant auquel tu es : mais qu'elles t'appar-tienent pour toute ta vie. D'autré costé, qu'elles concernent non seulement les hommes qui viuent auiourd'hai, mais ceux qui suiuront d'aage en aage : car puis que le bras du Seigneur un toufiours esgalement estendu, puis que samain n'est lamais raccourcie, puis qu'il à toussours la bouche onuerte pour en faire fortir en fon romps voio parole efficacieufe, affeure-toi que fi un exitonsal lui, tu experimenteras la faueur, quelque longue que puisse estre ta vie : croi le mesme pour la posterité si-dele iusqu'à la fin du monde: quand il deuroit encor durer pluseurs secles

Christ adiousse, que l'homme ne viura point depansseilement Sous le verset precedent nous auons donné les diuerses significations du mot de pain : & susseile que nous observions qu'ici le mot de pain se prend & pour ce qu'il signifie en nostre langue, & pour tous les moyens ordinaires & propres à la conservation de cette vie. Et quand Iesus Christ enseigne que l'homme ne vir pas de pain seulement, mais aussi de la parole de Dieu, ce n'est pas qu'il attribue esgalement nostre nourriture au pain & à la parole de Dieu, comme à deux causes esgalement necessaires à la production d'vn tel effect : mais c'est pour nous enseigner deux choses; Premierement, que quand Dieu nous a donné du pain, & des commoditez temporelles, à elles settles ne doit point estre attribuee nostre vie, comme fi elles en estoyét cause. Le pain n'est qu'vn instrument dont Dieu cause souveraine & principale se sett pour nous entreteniri & pour nous le tesmoigner, quelquefois il rompt le baston du pain, il lui oste son soustenement : asin qu'on voye que si la benediction & vertu de Dieu n'accompagne les instrumés & moyens exterieurs, ils nous demeurent non seulement inutiles, mais mesme preiudiciables: tesmoin l'exemple des cailles, que Dien sit plemoir du ciel sur les Israelites, comme poudre, comme le sablon de la mer, dit le Pseaume 78. Ils en mangeoyent, iusqu'à creuer: mais sans estre rassafiez: leur corps en estoit rempli, sans que leur cœur en fust content : car Dieu les leur donnoit en samalediction. Eussent-ils donc peu viure seulement de ces cailles, au lieu qu'vn homer de Man suffisoit par iour à la nourriture de chasque Israelite, Dieu y espandant sa benediction. L'homme docne vit pas de pain seulement, puis que le pain que nous anons

ilj

n'est qu'vn instrument de nostre vie, & la ver-tu & benediction de nostre Dieu en est la cau-

se principale.

D'auantage, quand Iesus Christ dit, que l'homme ne vit pas de pain seulement; c'est pour nous aprendre, qu'encor que aux hommes manquent les moyens exterieurs, que la vertu de Dieu n'en est pas pourtant amoindrie. Ce que le pain ne peut sans la parole de Dieu: c'est ce que peut la parole de Dieu seu-le: ce que peut le pain auec la parole de Dieu, c'est ce que peut la parole de Dieu sans le pain. Et comme le pain ne peut seruir, sans la parole: aussi la faim ne peut nuire a-uec icelle. L'homme donc n'a garde de viure seulement du pain, puis que Dieu, qui quand il veur lui donne sa benediction, quand il lui plaist, aussi l'en retire, afin qu'à descouuert paroisse cette vertu de Dieu, souuent cachee sous l'abondance des biens temporels, qui esblouyssent les hommes, & leur font mescognoistre la cause principale de leur entretenement. La Manne reservee iusques au matin deuint puante, & il s'y engendra des vers. Et ainsi Dieu, courrouce contre la desfiance de son peuple, monstra que ce n'est ni le peu ni le beaucoup de pain, qui nous nour-rit, mais l'abondance de sa grace qui nous en-graisse qui nous est source de vie. Les disciples,n'estimoyent pas que cinq pains & deux poil-

poissons peussent rassairer enuiron cinq mille hommes: mais Iesus Christ les en repeut tous & douze panerees en resterent; pour monstrer que ce n'est pas le pain qui multiplie nos iours, mais la grace de Dieu qui multiplie les pains pour nostre vsage.

Christ adiouste, mais de toute parole. La parole de Dieu se prend en l'Escriture ordinairement pour sa volonté qu'il nous a manifestee, & par la bouche,& par les escrits tant de ses Prophetes que de ses Apostres. Quelquefois aussi, voire par tiltre special, Iesus Christ est appelé parole de Dieu. Au commencement estoit la Parole, & la Parole estoit auec Dieu: & cette Parole estoit Dieu: mais en cet endroit, comme il a esté touché ci-dessus, par la parole qui sort de la bouche de Dieu, nous entendons generalement ce que Dieu arreste, ordonne, determine. Et Moyse, duquel Iesus Christ prend cette sentence, s'est contenté de dire que l'homme viura de tout ce qui sort de la bouche de Dieu, comme s'il disoit, non de pain seulement, mais de tout ce qui plaira à Dieu. Et S. Lucrapportant aussi les paroles de Iesus Christ, dit seulement que l'homme viura de toute parole de Dieu. Et la parole de Dieu est ici mise pour cela que Dieu veut, pour cela qu'il ordonne; d'autant qu'il ne profere aucune parole, dont il ne vueille, & dont il ne produise l'accomplissement.

T iiij

Et Iesus Christ ne dit pas simplement que l'homme vit de la parole de Dieu, mais de toute parole. Il oppose done, viure de pain seulement & viure de toute parole de Dieu, comme s'il disoit, ce seroit peu de chose s'il n'y auoit que le pain seul, qui peust nourrir l'homme : ains l'homme peut viure de toute parole de Dieu: Si Dieu le veut, il viura sans moyens: s'il lui plaist aussi, il lui suscitera des moyens extraordinaires. Et comme des pierres Dieu pounoit susciter des enfans à Abraham, comme il a fait couler l'eau de la pierre, & pleuuoir la manne du ciel: aussi en general n'y a-il rien, ni au ciel, ni en la terre, ni en la mer, il n'y a chose aucune contenue en iceux, dont Dieu ne se puisse seruir pour faire viure l'homme. Si seulement Dieu en prononce l'arrest, si la pa-role en sort de sa bouche, cela arriuera infailliblement.

Et Iesus Christ dit, que cette parole sort de la bouche de Dieu. Souuent l'Escriture attribue à Dieu les membres humains: ainsi elle parle de sa teste, de ses yeux, de ses oreilles, de sa langue, de son cœur, de ses mains, de ses pieds: non que Dieu ait vn corps comme l'ont resvé les Anthropomorphites, anciens heretiques. Dieu est vn Esprit inuisible, incomprehensible. Mais comme disoit vn ancien, quand l'Escriture attribue à Dieu des mains & des pieds, c'est

c'est pour nous apprendre qu'il void tour, qu'il fait tout, qu'il va par tout: que Dieu est tout œil, toute main.

Orentrales parties du corps souuent l'Escriture attribue à Dieu la bouche, & ce en diuerses significations. Quelquesois la bouche de Dieu signifie la volonté & bon plaisir d'icelui. Ainsi au 9. de Iosué il est dit que les Israelites receurent les Gabaonires, & n'interroguerent point la bouche de l'Eternel: ils sont blasmez de ce qu'ilsne s'enquirent point de la volonté de Dieu sur ce fait-là, veu qu'alors Dieu auoit acoustumé de la declarer par Vrim & Thummim. 2. La bouche de Dieu se prend aussi pour vne familiere communication. En ce sens est il dit au 12. des Nombres, que Dieu parloit bouche à bouche auec Moyse. 3. Elle se prend aussi, pour le commandement que Dieu a manifesté. Ainsi au 20. des Nombres, Dieu dit à Moyse & à Aaron, Vous auez esté rebelles à ma bouche es eaux de debat, c'est à dire à mon mandement. 4. Elle se prend aussi pour le courroux de Dieu. Ainsi au Pseau. 18. il est dit qu'vn feu denorant montoit de la bouche de Dieu: Similitude prise d'vn homme courroucé, des natines & de la bouche duquel sort comme vn soufste enflammé. Au 15. de Ieremie l'Eternel consolant son Prophete, lui dir, Tu seras comme ma bouche, c'est à dire tu porteras ma parole comme vn fidele serviteur. A quoi r'adiouste, que souvent Dieu s'attribue & bouche & parole, pour se discerner d'auec les idoles, desquelles il est dit au Pseaume 115. Elles ont bouche & ne parlent point. Mais de nostre Dieu souvent les Prophetes disent, La bouche del'Eternel a parlé. Et Salomon au 8, du 1. liure des Rois, Benit soit, dit-il, l'Eternel le Dieu d'Israel, qui de sa bouche a parlé à Dauid mon pere, comme il l'a aussi accompli par sa puissance. Mais en ce texte, comme il a esté marqué, par la bouche de Dieu, nous entendons cette secrette & toutepuissante vertu de Dieu, par la quelle il nourrit ses creatures.

Et ce n'est point sans cause, que cette secrette & toute puissant vertu de Dieu est appelee la parole qui sort de la bouche de Dieu; car c'est pour monstrer l'empire & souveraine authorité que Dieu a sur toutes choses ce qu'il veut estre fait il le commande, non qu'il ait besoin de parler, asin que les choses se facent: mais c'est pour nous faire voir que toutes choses dependet tellement de son bon plaistr, qu'il n'a qu'à ouurir la bouche & il est accompli. Ainsi en la premiere creation, Dieu par chacun sour commade aux choses qui n'estoyét point encor, qu'elles sussente tellement aux creatures qui ont intelligence; mais aussi est sortie la

pa-

parole de sa bouche, pour commander aux cieux, à la terre, aux vents, à tous les elements: nous laissant à iuger par là, qu'il peut estre obey, quand il veut; que sa domination est par tout establie, que nul ne peut resister à ses mademens. Et cette façon de parler se trouue specialemét propte contre l'obiection du diable en ce texte. Le Tentateur conseille à I. Christ, puis qu'il auoit faim,& afin d'y remedier qu'il ouure sa bouche, qu'il parle, qu'il commande aux pierres de deuenir pains: que le pain de son ordinaire lui manquat, il ait recours à des moyens miraculeux & extraordinaires. A cela dóc fort à propos Iesus Christ respond, que l'hom. me vit aussi de toute parole qui sort de la bouche de Dieu:comme s'il disoit, que tels moyés extraordinaires estoyent desia tous prests en la main de Dieu: que c'estoit nó à autre qu'à Dieu de patler en tel cas: & que Dieu qui, pour nourrir ceux qui se consiét en lui, fait sortir la parole de sa bouche, n'auoit garde de la fermer, puis qu'il s'agissoit de la conservation de son bien-aimé, qui pour lors estoit destitué des moyens ordinaires. Aussi Iesus Christauoit preuue de cela en son iusne miraculeux: car dequoi auoitil vescu 40. iours & 40. nuicts? Nó de pain; car il n'auoit point magé: mais de la vertu secrette du Seigneur, de la parole fortie de sa bouche.

Voilà ce qui touche les paroles & le sens de cette respose. Reste, q par le recueil des doctri-

nes, qui en dependent, nous voyons de quel v-sage elle est en nostre endroit.

Premierement, de cette response nous apre-nons à l'exemple de Iesus Christ, qu'il ne sufnons à l'exemple de Iesus Christ, qu'il ne sut-fit pas ou de respondre aux contredisans, ou de pusser nos responses de l'Escriture: mais qu'il faut respondre à propos, faire choix en-tre tous les textes de l'Escriture, de ceux qui sont les plus propres, les plus pressans. Et cer-tes il faut non pas nombrer, mais bien peser les textes que tu allegues, te souvenant, qu'à chasque response donnée au Tentateur, Christ a jugé vn seul passage bien choisi estre assez-fort & suffisant. Cette leçon conuient à beau-coup de personnes: il n'y en a que trop, qui coup de personnes : il n'y en a que trop, qui respondent au lieu de se taire : que trop aussi, qui preferent les raisons de leur propre iuge-ment, aux passages de l'Escriture Saincte; qui toutessois sont autant d'arrests desinitifs conrtè le mensonge; mais par trop grand est aussi le nombre de ceux qui abusent de l'Escriture. Et il seroit à desirer, mesmes parmi nous, que plusieurs apprissent bien l'Escriture deuant que s'en seruir contre tout venant, peut estre auec zele, mais zele sans science: ce que nous disons, non pour blasmer ceux qui se reuestent des armures de Dieu, de l'espee de son Esprix, qui est sa parole: mais c'est pour vous exhorter à vous armer bien, deuant que venir au combat: car il ne suffit pas d'alleguer l'Escri-

ture, puis qu'en cette tentation le Tentateur a cela de communauec Iesus Christ. Mails il l'a faut alleguer à propos, estant chose bien plus tolerable de s'en taire du tout, que d'en mal parler. Et ce sont nos aduersaires qui ont grand besoin decette remonstrance: car ayans toufiours vn peu recognu quel poids ont les preuues de l'Escriture, & sur tout nous voyans resolus à n'en receuoir point d'ailleurs, ils l'alleguent aussi quelquesois, mais en la tordant & tirant par les cheueux, pour lui faire confesser ce qu'ils veulent, se persuadans que semblable au son des cloches elle dit tout ce qu'il leur plait. Ainsi pour monstrer que le Pape ne peut error, ils alleguent que Iesus Christ a prié pout la foi de Pierre, qu'elle ne defaille point: sans considerer que nonobstant cette priere Pierre à failli, reniant son maistre: & que si tout ce que Iesus Chrisba dit à Pierre, conuient zu Pape, il lui a doncaussi dit, Va arriere de moi, Satan. Ainst pour prouuer, que le Pape a le glaine spirituel & temporel, ilsalleguent que Iesus Christ respondir aux Apofires parlans de deux glaiues, C'estassez: mocquerie maniseste: ainsi pour prouuer que sa saincteté peut parexcommunication exterminer ceux qui sui sont rebelles, ils alleguent ce qui fut dit à S. Pierre, Tue, & mange. Ainsa auec prophanité & blaspheme insupportable, changeans le nom de Dieu en celui de Marie,

## 302 VIII. Sermon sur l'Histoire ils lui addressent tous les Pseaumes de Dauid-

mais il pourra estre parlé plus au long de cet abus sous les sausses allegations du Tenta-

teur.

Ici aussi nous apprenons, puis que l'hom-me ne vit point de pain seulement, que nous n'auons pas vie par nos biens: que la cause principale de nostre entretenement & conser-uation ne depend point des moyens ordinai-res & commoditez remporelles. Il n'y a nul-le doute que cette sentence ne condamne les auaricieux, & tous ceux qui se sient en leur prosperité. Cependant on sçaitassez qu'en effect la plus grand part des hommes ne se fonde, ne se sie qu'es causes secondes : chacun en veut auoir, & c'est à quien aura le plus. Plufieurs disent, Qui nous fera iouyr des biens, & fort peu demandent à l'Eternel qu'il face reluire sur la clarté de son visage : car les mondains estiment qu'ayans agrandi & leurs greniers & leurs reuenus, ils pourront dire à leur ame, Tu as beaucoup de biens assemblez pour beaucoup d'annees: repose-toi, mange & boi, fai grand chere, comme le riche homme parle au 12. de Sain& Luc. Gens qui se mocquent de ce que less Christ tient pour chose fort dissicile, qu'vn riche entre au royaume des cieux. Gens qu'ne sçauent, qui ne sentent rien, de l'iniquité des richesses espineuses. Et pource qu'ils estiment leur estre &c leuf

leur bien estre, dépendre du pain seulement, il n'y a bien qu'ils n'omettent, mal qu'ils ne commettent, pour en auoir à quelque prix

que ce soit.

A cela mettent-ils leur affection, comme si on pouuoit seruir à Dieu & à Mammon, maistres directement contraires. Ils mettent leur esperance en l'or: ils disent au fin or, Tu es ma confiance: contre ce qui nous est defendu au Pseau, 62. Ne deuenez point vains quand les richesses abonderontin'y mettez point le cœur. A leur conte Christn'a guere bien sceu nous enseigner à prier, puis qu'il veut que nous ne demandions que nostre pain quotidien. Ce texte donc nous apprendra de ne nous sier point es choses corruptibles. Il nous ramentevra le commandement de l'Apostre au treiziéme de l'Epistre aux Hebrieux, Que vos mœurs soyent sans auarice, contens de ce que vous auez presentement : car lui-mesme a dit, Ie ne te delaisserai point, ni ne t'abandonnerai point. Et celui de Iesus Christ au 6. de Sainct Marthieu, Ne vous amassez point de thresors en la terre, où la tigne & la rouillure gaste tout, & là où les larrons percent & desrobent : mais amassezvous des thresors au ciel, là où la tigne & la rouillure ne gastent rien, & là où les larrons ne percent, ni ne desrobent : car là où est vostre thresor, là aussi sera vostre cœur.

Et ce qui est dit au 12. de S. Luc, Voyez, & vous gardez d'auarice: car encore que les biés abondent à quelcun, si n'a-il pas vie par ses biens. Bres, nous souuenans de la priere que sair Dauid au Pseau. 119. demandant à Dieu qu'il n'encline point son cœur au gain deshoneste: & de ce que dit l'Apostre au 6. de la 1. à Timoth. Laracine de tous maux c'est la connoirise des richesses, de la quelle quelques vns ayans enuie se sont desvoyez de la foi, & se sont eux-mesmes enserrez en plusieurs dou-leurs; nous ne nous sierons sur rien moins que sur nostre pain, que sur la fallace de nos richesses.

Et puis que l'homme vit principalement de toute parole qui fort de la bouche de Dieu, c'est pour nous asseurer en nos necessitez: Et pries combien qu'ordinairement Dieu nous soustiene par moyens exterieurs, si deuonsnous sçauoir que sa grace n'y est point attachee, que le soustien & la conduite de nostre vie despend de sa pute prouidence. Cette leçon apartient proprement à tous ceux qui se dessient de Dieu en aduersité, & croyent estre perdus dés que les moyens humains leur maquent. Nous demandons à telles gens, s'ils estiment que que leun puisse fermer la bouche à Dieu e Espusserois tu bien toute la mer? & Dieu n'est-il point vne source inepuisable de bonté & misericorde infinie e s'il auient donc

que

que tu sois accueilli de poureté, priné de toute commodité, souuien-toi de cette sentence; Si Dieu sans viande a nourri Moyse, Elie, Iesus Christ, appuye-toi sur ce mesme Dieu, qui seul sçait ce dont tu as besoin. Si Dieu a fait pleuuoir la manne du ciel: s'il a changé le rocher en vn estang d'eau, & le caillou en vne source: s'il a employé le corbeau, pour porter noutriture à Elie: s'il a nourri Daniel dans la fosse: s'il a benit la farine & l'huile de la vefve: si les pains, si les poissons, ont esté tant multipliez, sie-toi en ce mesme Dieu, par la priere de ton cœur demande-lui la parole de sa bouche.

Si tu dis, nous ne sommes plus au temps des miracles: Ie te respon, que tu te gardes bien d'entasser peché sur peché, adioustant profanité à ta dessiance. A la verité, la verité de l'Euangile est tellement consirmee, que dés pieça ne sont plus pour cet essect requis les miracles: Et qui conque se vante en ces derniers temps d'en produire à cette occasion-la, nous le mettons au roole de ceux dont parle Iesus Christ au 24. de Sainct Marthieu. Faux Christs & saux prophetes s'esseueront & seront grands signes & miracles; voire pour seduire les esseus mesmes, s'il estoit loisible. Mais dirons-nous pourtant, que Dieu ne face point rous les iours plusieurs miracles, pour agurrir & conserver son Eglise. Et au secle

passé, lors qu'on nous a raui nos biens, qu'on nous a despouillez & bannis, auons-nous vescu de pain seulement? Dieu n'a-il point aussi fait sortir sa parole de sa bouche? le pren à tesmoin pour ceci plusieurs familles nombreu-ses que Dieu a releuces comme de la poudre, & qu'il a grandement benites : ausquelles, comme à Iob il a donné double portion, bere plus que le premier. Et quand nous ne ferions plus du tout au temps des miracles, tousiours serois-tu au temps de te consiest en Dieu: car s'il ne veut pas ouurir sa bout che, pour ta conservation miraculeuse au regard de cette vie: s'il veut que tu meures de faim : en cela mesme te dois-tu glorifier, puis que le seul miracle auquel nous-nous deuons arrester, c'est qu'il a pleu à Dieu ras-sasser nos ames assamees, & les nourrir en l'esperance de la vie eternelle. Et ce que nous disons pour la nourriture de nos corps, tu le dois appliquer à tout ce qui touche cet-te vie. Plusieurs se voyans destituez de sup-port selon les hommes, & enuironnez d'ad-uersaires & d'ennemis, tremblent, ne sçauent où ils en sont, meditent peut estre vne retraite, qui messee de dessiance peut meriter le nom de Fuite. A telles gens nous disons aussi, que l'homme ne vit pas de seul pain: que Dieu ouurira tousiours sa bouche, pour tous

tous ceux qui demeurans fermes en leur vocation ont Dieu seul pour leur retraite. Ce Dieu, qui a eu tant de playes pour la ruine des Egyptiens, qui a fendu la mer pour le passage de ses enfans, qui a renuersé à son de trompe les murs de Ierico; qui du ciel a fait pleuuoir des grosses pierres sur les ennemis de son peuple, qui pour la victoire des siens a arresté le cours du Soleil: qui a fortissé Sam-fon; qui a fait tomber Dagor deuant son Ar-che; qui a donné victoire à Dauid enfant contre le geant Goliath; qui lui a donné deliurance de Saul & de tous ses ennemis : en vn mot ce Dieu qui n'a iamais conduit son Eglise, que miraculeusement; ce Dieu qui es siecles passez a restabli son Eglise: qui s'est suscité des enfans des cendres de ses martyrs: qui a renuersé tous nos ennemis : qui les a bandez les vns contre les autres qui das leurs desvnions a donné la paix à son Eglise : ce Dieu là auroit-il ou moins de force, ou moins de bonne volonté enuers nous, si nous le craignons, si nous le seruons, si nous nous frons en lui? Ains voici les temps ausquels plus que iamais Dieu a recommencé de nous faire viure non du pain seulement, mais de toute parole qui sort de sa bouche. Sa puissance miraculeuse, sa vertu secrette, son soin incomprehensible, s'est des. couvert, s'est desployé pour nous. Pour nous qui non seulemet sommes destituez de beau-

coup de moyens humains: mais pour nous, contre lesquels le monde croid auoir assez de moyens pour nous engloutir en vne heure.

Mais Dieu est plus sage que le monde n'est
prudent:Dieu est meilleur que le monde n'est
meschant. Et de toute la force des hommes n'est autre chose que foiblesse au prix de la puissance infinie de ce Dieu, qui nous cherie

comme la prunelle de son œil.

Et de là dépend vne censure pour ceux, qui ou afin de satisfaire à leurs voluptez, ou afin de remedier à leurs craintes, ont recours à toutes sortes de moyens illegitimes: directement contre l'exemple de les Christ, lequel en sa mecessité n'a pas conuerti les pierres en pains, mais s'est fortisté par la parole de Dieu, choi-sissant vn texte, qui parle de la prouidence esficacieuse du Seigneur, pour la conservation des siens. Si donc pour la necessité Christ n'a pas conuerti des pierres en pains, comment aniourd'hui excuserions-nous ceux qui pour satisfaire à leurs voluptez donnent lieu aux sollicitations du diable, viuent desseiglément, & n'v a rien qu'ils n'entreprenent de ce qui peut assonuir leurs conuoitises sales & virieufes.

Mais ceci regarde particulierement beau-coup de gens qui voyans approcher, la faim, la calamité, la perfecution, preuienent les maux, & pour les euiter obeyssent au diable, fans

sans se souuenir que Dieu n'est point lié aux caules lecondes, & que sa vertu se parfait es infirmitez, & plus grandes necessitez des siens. Que si la conscience de plusieurs parloit ici selon fon sentiment, nous n'aurions que trop d'exemples des irresolutions extrauagantes, & des conseils de desfiance que plusieurs ont pris sur les derniers bruits qui ont menacé l'E-glise de Dieu. Et où est l'essicace que la parole de Dieu doit auoir emiers nous au milieu de l'aduersité ? Est-ce se sieren Dieu, que de ne tenir bon qu'en ta prosperité? Et faut-il renon-cer à Dieu, ou s'essoigner des reigles de sa pa-role dés la premiere apparence de tribulation? Ains il faut auec asseurance Chrestiene sousfrir melme toute persecution, & nous confier en ce Dieu, qui y pouruoira par la parole de sa bouche.

Cependant, quand du pain & de toutes les causes secondes nous esteuons l'homme iusques à la parole de la bouche de Dicu, pour s'appuyer du tout sur icelle; ce n'est pas pour te persuader l'oissueté: pour te lier les mainss pour te diuertir du soin que Dieu requiert de toi en ta vocation, pour remettre par stupidité tout le soin de ton entretenement sur la pro-aridence de Dicu. Dieu n'est pas obligé aux moyens: mais si es-tu bien toi. Dieu peut te mourrir par moyens extraordinaires: mais tu esphigé aux ordinaires; cu ne dois rien laisser

· V iij ·Gongle

en arriere: ains auec diligence trauailler pour ta conservation, remettant tousiours à la bonté de Dieu le succés & l'issue de toutes tes afaires: c'est à la sueur de ton visage, que tu dois manger ton pain. Si quelcun ne veut trauailler, dit l'Apostre, qu'il ne mange point aussi. Mesmes l'Apostre au 5. de la premiere à Timothee dit, Que si quelcun n'a soin des siens, & principalement de ceux de sa famille, il a renié la foi & est pire qu'vn insidele.

Cette sentence donc doit produire en toi non l'oissueté, mais la confiance. Et elle te promet la benediction de Dieu: mais sur ton trauail. Son vsage est & pour la prosperité, & pour l'aduersité. Au premier estat dépen, non de ton labeur, non de tes moyens; mais au soin de l'vn & en la jouyssance des autres, souvien-toi toussours que la vertu du Seigneur est la principale cause de ta conservation. Et quant à l'aduersité, cette sentence doit auoir assez de force, asin que tu fermes l'oreille à tous les conseils du Tentateur, & que tu t'asseures du tout sur ton Dieu, qui te conservera miraculeusement, si tu espertes en lui.

Que si toutes les commoditez temporelles ne nous peuvent de rien seruir, pour la nourriture de nos corps sans la benediction de nostre Dieu, & si cela nous oblige à lui de-

mander tous les iours le pain que nous auons desia, & à le supplier qu'il benie lui-mesme, les biens qu'il nous communique : sachons que le mesme a lieu en ce qui touche la nour-riture de nos ames. Il ne suffit pas que la pa-role de Dieu resonne à nos oreilles: car combien y en a-il qui l'oyent, sans la gouster, sans en estre nourris ? Et qui pis est, elle est odeur de mort à plusieurs : mais il faut que Dieu acompagne ce moyen exterieur de la predication de son Enangile, de la vertu & efficace interieure de son Esprit: il faut qu'il ouure nos cœurs, & qu'il nous donne la vertu de digerer cette pasture celeste ; il faut qu'il adoucisse, par ses consolations & promesses Diuines, l'amertume & les pointes que cette parole fait sentir à nostre chair corrompue : bref, si Dieu n'y met la main non seulement en vain, mais aussi à nostre confusion, nous seroit annoncee sa ve-

Et c'est afin que nous le suppliyons, qu'il donne efficace à nostre ministere: qu'il benie nos labeurs: & que quand mesme cette liberté, ces moyens exterieurs, nous manqueroyent, il ne laisse pas par sa verte secrette de faire germer & fructisser en nos cœurs cette semence incorruptible de sa parole; iusques à ce que nous soyons recueillis aquec lui. Alors ni nos corps, ni nos ames,

n'autont plus besoin de moyens exterieurs; & tette vertu secrette, qui nous soustient maintenant, nous sera pleinement manifestee : & là, comblez de benedictions, nous communiquerons face à face auec l'Eternel nostre Pere; Auquel, auec le Fils & le Sain & Esprit, soit honneur & gloire, dés maintenant & à iamais, Amen.

SIR

